



19. maj 2021

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara.

Naalackersuisunut apeqquteqaat:

1. Naalackersuisut Karrat 3-mut tunngatillungu paasissutissiinerup kingorna iliuusissat suut Avannaata Kommunea peqatigalungu pilersaarutingaat?
2. Qaqqap nakkaateratarsinnaanera pissutigalugu nuutitsisoqassappat Naalackersuisut Avannaatalu Kommunealu sutigut nuuttussanut ikiorsiissuteqarniarpat?
3. Nuutitsisoqassappat Naalackersuisut Avannaata Kommunealu inissanik neqerooruteqarniarpat?
4. Nuuttoqassappat ilumoorpa Paamiut, Maniitsoq Aasiaallu kisimik nuuffigineqarsinnaasu-tut innersuunneqassasut?
5. Naalackersuisut KARRAT 3 pillungu GEUS Danskillu Naalackersuisui nakkutilliineq, nalunaarasuaataasinnaasullu pillungit suut pilersaarutingaat?
6. Nunaqarfinni pineqartuni pisortat suliffeqarfiit ingerlataat qanoq iliuusissanik pilersaaruteqarpat?

(Inatsisartunut ilaasortaq Karl Tobiassen, Siumut)

Tunngavilersuut:

Apeqquteqarnermut toqqammavilersuutigaakka nunaqarfinni pineqartuni innuttaasunik paasissutissiinerup kingorna najungaqartunik nalornilersitsinerat erseqqissumik apeqqutit paasissutissiiffigineqartariaqarmata.

Paasisitsiniaanermi pisortat suliffeqarfii namminneerlutik aaliangiisussangortinneqarput nunaqarfinni ingerlatsiinnassanersut imaluunniit ingerlatiunnaassanersut.

Aammalu ilisimatitsissutigineqarpoq Paamiut Maniitsoq Aasiaallu kisimik nuuffigineqarsinnaassasut.

Apeqquteqaatera pillugu ullut suliffiit qulit iluanni akineqarnissara kissaatigaara.